

新陽志業坊

明清興寧縣志

②

廣東方志之十一

臺灣學堂書局印行

興寧縣圖書館存

明清興寧縣志(二)

旅外华侨張榮貞贈

一九八二

興寧縣志卷之二

明治九年文部省發行

興寧縣知縣晉陵劉熙祚重脩

政紀

劉熙祚曰世之言政者兼治人治法並言之然人之
所係大也有治人法雖弊可爲化瑟之調無治人法
雖良徒供高閣之置而已蓋治邑猶治家然既底定
其堂構而垣牖之以於積錢穀而嚴筦鑰消妄意室
中之絃高軒時過芻絮咄嗟取辦家政升如已夫政
何莫猶是善爲政者爲之堂上如署治之高堂以辨

等歲以辦崇卑也學宮之草子於聯師儒以待新舊也租庸以佐軍國關隘以詰奸禦暴守禦以盡圻圻徽均之備伏莽以戒不虞驛遞之設軒輶之厨傳需馬差舍之悅馳賴焉均之壯皇華以其匱乏種種諸政皆其大者有條不紊如織之有經焉作政紀

位署

縣治在城北基深五十有一丈廣二十有二丈前代無考

朝洪武二年知縣周仕貴與賁印縣丞劉淵建正統

二年知縣朱孟德重脩天順五年流寇火之成化
三年典史丁晟鼎建

正堂三間嘉靖十三年知縣施幹重脩萬曆二十三
年知縣史懋文鼎建東爲典史廨廂曰贊政西爲
黃冊庫崇禎十年知縣劉熙祚遷黃冊庫于儀仗
庫之下改黃冊庫爲耀德閣以貯鼎造戎器

川堂五架東爲金銀庫西爲儀仗庫嘉靖七年知縣
吳悌重脩萬曆二十三年知縣史懋文鼎建

後堂五間嘉靖七年知縣吳悌重脩年久幾壞二十

九年知縣黃國奎卅暇之萬曆三十三年知縣史懋文重脩

知縣解在後堂之後舊在堂東弘治十八年知縣芮思改建今地嘉靖二十七年知縣黃國奎重脩萬曆三十三年知縣史懋文重脩

縣解後有大巷一週年久圯壞矣崇禎十年知縣劉熙祚脩志清查係生員陳明陳應中屋近巷內因原有官牆民牆二層恐捐去原屋反成曠地仍留爲障衛酌其屋之多寡陳應中出銀八兩陳明出

銀四兩卽給陳張兩家爲開

給帖執照

縣解後有支更亭地一方查係萬曆四十二年給帖
陳應樞承買銀十兩後陳應樞轉賣與貢生陳蓮
查京帖驗明仍給執業

縣解後係來龍入首有陳族張族兩大私沼堪與家
以其洩氣故致官民受傷百餘年來合邑人士亦
無不建議填塞俱同築合崇禎十年知縣劉熊祚
力興此役申詳 道府募工濬濠卽將此土挑填
兩沼以固龍脉蒙批編入志書永示遵守

王簿解在贊政廳之東舊在堂後弘治九年知縣余
奉改建今地正德八年王簿董國華重脩縣東有
開帝廟

典史廳在王簿解之南

正堂東西爲六房東列吏戶禮而承祭架閣附之西
列兵刑工而誦長附之西序之北爲吏舍舊在預
備倉前天順廢于寇火今之吏舍益弘治十三年
知縣陳孔明填塞縣西塘爲之而吏舍之後塘仍
未填嘉靖二十七年知縣黃國本深之以爲蓄魚

之所將塘賃稅崇禎十年知縣劉熙祥詢之方家
爲此塘乃縣治右沙不宜鑿傷募工填後六房并
吏舍俱萬曆三十三年知縣史懋文重修崇禎十
年知縣劉熙祥又重修

戒石亭在縣宮中道隆慶四年知縣廖元烺習矢於
止堂遂廢石亭易之以木坊

儀門在戒石亭之下東爲庫書廨西爲禮書廨正統
二年知縣朱孟德建弘治七年知縣黃縉重修弘
治十年知縣黃泰重修嘉靖十三年知縣施幹重

脩萬曆三十三年知縣史懋文又重脩

上地祠在儀門外之東嘉靖二十七年知縣黃國奎
大之萬曆三十三年知縣史懋文重脩

迎賓館在儀門外之東即土地祠之下棟萬曆三十
三年知縣史懋文重脩

縣獄在儀門外之西舊蓋嘉靖八年知縣吳梯整之
周圍有提鈴火巷獄右爲吏舍俱萬曆二十三年
知縣史懋文重脩

縣鋪在儀門外之東迎賓館之下萬曆三十三年知

縣史懋文重修崇禎九年火毀崇禎十年知縣劉
熙祚重修

譙樓舊在今府館之下成化五年知縣鄭遜改建於
儀門外卽縣治大門弘治十年知縣余泰重修嘉
靖十三年知縣施幹重修萬曆三十二年知縣史
懋文重修

善亭在譙樓之東申明亭在譙樓之西洪武二年
知縣周仕貴遵制建於儀門左右暨各鄉後賊寇
火縣存鄉廢成化十二年知縣林旺遷之縣樓外

之東西嘉靖十五年知縣方述重修後申明亭存
旌善亭廢崇禎十年知縣劉熙祚復于旌善亭舊
址建旌善亭并申明亭亦重修焉

榜廊二十四間舊在今府館之下成化十二年知縣
林旺改建於儀門外今廢

布政分司在縣前大街坐北門西正統五年知縣朱
孟德建基深二十丈有奇廣八丈有五丈順五年
廢于寇火成化二年知縣秦宏闢地鼎建正堂三
間川堂一架後堂三間儀門三間外門三間左右

庖室從室各三間有古榕在堂之西其大百圍
高五十尺有奇其色如黛其樞如蓋其垂陰如帷
幔其盤屈如潛蚪其較瘝如敗錦惠州志所謂堪
稱喬木偉觀也

嶺東道舊在縣治之東即今府館基舊爲嶺南道洪
武四年縣丞劉昭輔建景泰二年改爲嶺東道天
順五年廢于寇大成化二年知縣太宏遷于布政
司左郎今儒學基十六年知縣侯爵復遷于東街
左郎舊儒學基久廢

府館即舊嶺東道基嘉靖二年知縣應鵬紳建基深
十三丈有五廣九丈正堂三間川堂二間後堂三
間左右庖室從室各二間仍有儀門頭門今儀門
廢

陰陽學醫學查劾制縣左醫學縣右陰陽學不知起
自何年爲居民侵占將兩學并爲一所坐落縣左
街前後屋二棟共六間崇禎十年知縣劉熙祚脩
志述陰陽官林應魁醫官陳栢具呈改建復制將
原屋址沽賣生員胡大猷銀四十五兩查縣右有

張習屋四間縣左有陳震熊屋四間基係官地
係民造的加時價將前銀二十兩買縣右張習屋
爲陰陽學將銀一十兩買縣左陳震熊屋爲醫學
委典史朱繼祖督造重新其舊兩學地址陳教侵
九尺四寸進深四丈令每年出稅銀九錢四分陳
敏侵一丈一尺進深四丈每年出稅一兩六錢仍
補縣役工食

縣倉在縣治西北二百步洪武四年知縣周仕貴
建大順寮于寇火

預備倉四所在城外四鄉一在和山村一在梓梓村
一在茅塘舖一在陳坑村天順廢于寇火成化三
年知縣秦宏改建于際留倉之舊所與際留倉合
爲一倉四鄉之倉遂廢今只扁爲預備倉倉共七
版東二版西五版收穀亭一所門一間嘉靖三十
一年知縣黃岡奎重修

義倉惠州府志記在城南興廢基址今俱無考

倉一所萬曆十八年惠州府世官王棟署縣事建
此置田一十四畝以供會館之用天啓二年

府通判呂大美署縣事遷于城西老街

社：五所一在城中一在蓮塘舖一在別塘公館一
在甌崗一在十三都俱萬曆二十六年知府程有
守建今俱廢矣只餘十三都一舍

署

一泊所在縣南水曰：武四年建正統六年知縣朱
孟德奏：下六都編戶

按蛋民乃：種以漁爲生舊有船四百餘隻
與民船並盛後爲官船總甲橫霸凡本縣各應一